

## Pasaūla diktats latgaliski

Latvejis Radejis Latgolys studejis veiduotais raidejums "Kolnasāta" sadarbībā ar Latgalīšu kulturys ziņu portalu [lakuga.lv](http://lakuga.lv) pīduvojoj sevkuram puorbaudeit latgalīšu rokstu volūdys zynuošonys, uzrokstūt diktatu. Diktatā skaņ fragments nu latgalīšu literatis Ilzis Spergys gruomotys "Dzeiveiba". Diktata teksts sastuodeits, īvārojūt Vaļsts volūdys centra 2007. godā apstyprynuotūs Latgalīšu raksteibys nūsacejumus, pīļunama divskaņa "uo" apzeimuošona ari ar "ō".

**Latgalīšu raksteibys nūsacejumi** <https://likumi.lv/doc.php?id=164904>

**Audio** <http://lr1.lsm.lv/lv/raksts/kolnasata/latgalisu-pavuordis-aba-uzvuordi-i-diktats-latgaliski.a93144/>

### Diktats

Kuņdzeite ar peitu cysu capuri i trejom paveitušom rūzeitem ļumeigajuos rūkuos žieleigai nūsapyute, juos obejis ar draudzini beja apmakušys mugorā zylys gūda suknis. Kuņdzeitei kostims beja nu gaiši zyļa jauneibys dīnu krimplena, kas veilēs grumbuojuos i suonūs pat beja palaists valeiguoks. Redzēt jau daudz nikuo navarēja, tik tamuos vītuos drēbe beja drupeiteņ zyļuoka nakai cytur. Tok, ka cīši nasavēre iz tūs veļū, vēļ niule jei beja šmuka i labi kūpta buoba — blondi moti, sorkonys lyupys. Dagens to kai ogūrcs, a kas tī par gobolu redz. Kur lai vysim byutu tik smolki daguni, kab pi driebu dapasātu. Kaidis beja, ar taidu i juodzeivoj. Ar tū pošu vīneigū dagunu jei beja nūdzeivuojuse lobu i kulturalu dzeivi — ka jau pat pi vacuma vēļ interesēja/iņteresēja (red. pīz. der obeji varianti) izīšona ļaudīs.